

**BOSNA I HERCEGOVINA  
FEDERACIJA BOSNE I HERCEGOVINE  
KOMISIJA ZA VRIJEDNOSNE PAPIRE  
FEDERACIJE BOSNE I HERCEGOVINE**

Broj: 05/3-19-88/11  
Sarajevo, 13.4.2011.god.

Komisija za vrijednosne papire Federacije Bosne i Hercegovine, na osnovu čl. 11. i 12., a u vezi sa čl. 13. Zakona o Komisiji za vrijednosne papire („Službene novine Federacije BiH“, broj 39/98, 36/99, 33/04), člana 26. Zakona o investicijskim fondovima („Službene novine Federacije BiH“, broj 85/08) te člana 4. stav 1. Pravilnika o sadržaju zahtjeva, postupku izdavanja dozvole i uslovima za članov uprave društva za upravljanje („Sl. novine Federacije BiH“, br.18/09 i 13/11), rješavajući po zahtjev „EUROHAUS INVEST“ Društva za upravljanje fondovima doo Sarajevo, za saglasnost za kandidata za članove nadzornog odbora Društva, na 311. sjednici održanoj dana 13.4.2011.godine, d o n o s i

**RJEŠENJE**

1. Daje se predhodna saglasnost Željku Rički i Vlastimiru Mijoviću za članstvo u nadzornom „EUROHAUS INVEST“ Društva za upravljanje fondovima doo Sarajevo.
2. Nalaže se „EUROHAUS INVEST“ Društvu za upravljanje fondovima doo Sarajevo da osigura poštivanje člana 259. Zakona o privrednim društvima („Službene novine Federacije BiH“ broj 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10) kod donošenja odluke o razrješenju članova nadzornog odbora Društva u slučaju kada se odluka o razrješenju članova nadzornog odbora donosi prije isteka perioda na koji su imenovani.

**Obrazloženje**

Dana 31.3.2011. godine, „Eurohaus Invest“ Društvo za upravljanje fondovima d.o.o. Sarajevo obratilo se Komisiji zahtjevom za saglasnost za kandidate, Željko Rička i Vlastimir Mijović, za članstvo u nadzornom odboru Društva, u skladu sa članom 4. stav 1. Pravilnika o sadržaju zahtjeva, postupku izdavanja dozvole i uslovima za članove uprave društva za upravljanje („Sl. novine Federacije BiH“, br.18/09 i 13/11).

U prilogu zahtjeva dostavljena je sljedeća dokumentacija:

Za kandidata, Željka Ričku: biografija sa detaljnim podacima o stečenom obrazovanju i radnom iskustvu, ovjerena kopija lične karte, ovjerena kopija CIPS prijavnice, ovjerena kopija uvjerenja o državljanstvu, ovjerena kopija diplome kao dokaz o stručnoj spremi kandidata, ovjerena kopija radne knjižice, ovjerna kopija uvjerenje nadležnog suda da nije potvrđena optužnica, ovjerena kopija izjave da nema smetnji po osnovu člana 26. Zakona o investicijskim fondovima, ovjerena kopija izjave o nepostojanju konflikta interesa i ovjerena kopija izjave o prihvatanju kandidature za člana nadzornog odbora

Za kandidata, Vlastimira Mijovića: biografija sa detaljnim podacima o stečenom obrazovanju i radnom iskustvu, ovjerena kopija lične karte, ovjerena kopija CIPS prijavnice, ovjerena kopija uvjerenja o državljanstvu, ovjerena kopija diplome kao dokaz o stručnoj spremi kandidata, ovjerena kopija radne knjižice, ovjerena kopija uvjerenje nadležnog suda da nije potvrđena optužnica, ovjerena kopija

izjave da nema smetnji po osnovu člana 26. Zakona o investicijskim fondovima, ovjerena kopija izjave o nepostojanju konflikta interesa i ovjerena kopija izjave o prihvatanju kandidature za člana nadzornog odbora

Uz zahtjev je, također dostavljena i sljedeća dokumentacija: Obavijest uprave Društva o usvojenoj informaciji o inicijativu udjeličara Društva o promjeni članova nadzornog odbora br. 176/2011 od 28.2.2011.godine, obavijest uprave Društva o produženju roka za dostavljanje pismenih prijedloga kandidata za nove članove nadzornog odbora, br. 213/2011. godine od 11.3.2011. godine, kopija dostavljenih pismenih prijedloga od strane udjeličara Društva: Šotra Bojše, Osmić Mirsada i Blekić Zijada i dokaz o uplati naknade za rješavanje zahtjeva u skladu sa tarifnim brojem 24. Odluke o tarifi naknada („Sl. novine Federacije BiH“, br.1/10, 26/10, 73/10, 10/11 i 13/11), u iznosu od 300,00 KM.

Pregledom dostavljene dokumentacije utvrđeno je da kandidati za članove nadzornog odbora Društva Željko Rička i Vlastimir Mijović, ispunjavaju uslove za članstvo u nadzornom odboru Društva, jer ne postoje zakonske smetnje u skladu sa propisanim u članu 26. Zakona o investicijskim fondovima, pa je Komisija odlučila kao u dispozitivu ovog rješenja.

Istovremeno je podnosiocu zahtjeva naloženo poštivanja člana 259. Zakona o privrednim društvima kod donošenja odluke o razrješenju članova nadzornog odbora Društva u slučaju kada se bude donosila odluka o razrješenju članova nadzornog odbora prije isteka perioda na koji su imenovani.

**Pouka o pravnom lijeku:**

Ovo rješenje je konačno u upravnom postupku i protiv njega nije dopuštena žalba, ali se može pokrenuti upravni spor. Upravni spor se pokreće tužbom kod Kantonalnog suda u Sarajevu u roku od 30 dana od dana prijema ovog rješenja.



Predsjednik  
Komisije za vrijednosne papire  
Federacije Bosne i Hercegovine

mr. Hasan Čelam

Dostavljeno:

1. Podnosiocu prijave (x2)
2. Evidencija